

دائرة مخصوصه

درسعادتده باب عالی جوارنده

محل اداره :

مستطابق

اخطار :

مسلكمزه موافق آثار جديده مع المنوويه

قبول اوانور

درج ابدله بن آثار اعاده اوانور

ديبر، فلسفه، علوم، حقوق، ادبيات، سياست، و بالخاصه كرك سياسى و كرك اجتماعى و مدنى احوال و مشوره اسلاميه و بحث ايدر و هفته ده بر نشر اوانور.

آبونه بدلى

سنه لكى

التى آيلقى

ممالك عثمانيه	ايچون	۸۰	۴۰	غروش
روسيه	»	۶۰۰	۳۰۰	روبله
سائر ممالك اجنبيه	»	۱۷	۹	فرانق

صاحب و مؤسسلرى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

درسعادتده نسخه سى ۵۰ پاره در

قبرله دن مقوا بورو ايله كوندريلىرسه سنوى

۲۰ غروش فضله آلير

دردنجى جلد

۱۰ جمادى الاول ۳۲۸ پنجشنبه ۶ مايس ۳۲۶

عدد : ۱۹

حسبات و افعاله توفیق ایشدر؛ ایمدی تحصیل او قومك اعضای
مستقبله سنی بویه جه انسانلاشدیرر، حال اجتماعیه صوقار .
لوندرد جركش شیخی زاده
خلیل خالده

۵ : مرعظه

مسلمانلری انتباهه دعوت حقنده

بروسه ده جامع کبیرده

بش بیک قدر جماعت مسلمین حضورنده

سباج شریبر عبدالرشید ابراهیم افندی طرفنده

۱۶ نیسان ۳۲۶، جمعه

اعوذ بالله من الشیطان الرجیم. بسم الله الرحمن الرحیم. «کنتم خیرامة
اخرجت للناس تأمرون بالمعروف وتنهون عن المنکر و تؤمنون بالله
والیوم الآخر...»

الله سبحانه و تعالی حضرتلری بزی، یعنی رسول اکرم (صلعم)
افندمرك امتی، کافه سنی کلام قدیمی اولان قرآن جلیلده «خیرامت»
دیه تسمیه بیوردی. «کنتم خیرامة». خیر امت اولدیفمزی،
امر معروف ونهی منکرله مأمور بولندیفمزی بیان ایلدی. «اخرجت
للناس تأمرون بالمعروف وتنهون عن المنکر» ایشته بو آیت کریمه نك
مقتضای عالیهی موجبجه مفسرین کرام و علمای عظام حضراتی
بالاتفاق دیمشله که: مسلمانلرک هر فرد واحدی، ایستر علماسی،
ایستر عوامی، کافه سنی امر معروف ونهی منکرله مأموردر. بر مسلمان
دیگر بر مسلمانك جزئی بر خطاسنی کوردیکی زمان:

--- قارداشم [بیوک ایسه] باباجم، بو، اسلامه یاقیشماز؛ بو

مناسب دکل در...

دیمك هر مسلمانك وظیفه سی در. یاخود بیوک آدملرک، حاکملرک،
آمرلرک خلاف شرع شریف بر قصورلری کوردیکی زمان علمای عظام،
یاخود اعیان ممالکک طویلانه رق، امر بالمعروف و نهی عن المنکر
مستقیم کوسترمك الك مبجل بر وظیفه لریدر.

بونك ایچون بز خیرامت تسمیه اولمشز. بزم دیانت اسلامیه ده
هیچ برجهتله مؤمنلر یکدیگرلرندن تفریق اولماز، آیریلماز. بیلرلنده
بیوکلک، کوچکلک یوقدر. «ان اکرمکم عنداه اتقیکم» بیورمش الله.
اتقا صفتله کیملر متصف ایسه عندالهیده کریم اوللر آنجق اوللر در..
امابوراده کافه سنی مساوی در، هپسی عبادالله در. اوامر الهیهی ایفاده،
نواهی شرعیه دن اجتنابده کافه من مساوی یز. شریعت هیچ بر قوله
استثنائی بر صفت تخصیص ایتمه مشدر.

ایشته اوصفاتك الك بیوکلرندن اولان بر صفتی، که امر معروف در،
بونى الله جمله مؤمنلره تشمیل ایشدر؛ کافه من امر معروفله مأموررز.

ایشته شو آیت کریمه نك مضمون عالیه سنی اعتماد ایدرك فقیرکز
بوساعت شوموقع کرسی اسلامده بولونه رق خاطرده کلن بعض
شیلری سز قارداشلمه عرض ایتمکک جسارت ایتمم.

بزم اسلامیت هرشیده بر قاعده وضع ایشدر. هیچ برشی یوقدر که
شریعت مطهره من اولنك ایچون بر قاعده وضع ایتمه مش اولسون.
بوکون ممالک اسلامیه ده مستعمل و متعارف قواعدك کافه سنی قوانین
شرعیه در. بونلرک هر بری بزم فقه کتابلرلنده اسملریله، جسملریله
مذکور اولمق شرط دکل، مضمونلریله کافه سنی مذکوردر. امرای
اسلام، یاخود اعیان ممالککک یمنی اهل حل و عقدك قبول ایتمیکی بر
قاعده و نظامی، نه اولورسه اولسون، سزك طایفه ککیز، اولی الامر
اطاعت ایتمککککیز بزم جمله مسلمانلرک بورجی و وظیفه سی در. او خصوصده
قیل و قاله حاجت اولدیفندن بونکون مسلمانلرک طوغریدن طوغریوه
محتاج اولدقلری شیئی ممکن اولدیفنی قدر ایضاحه چالیشه جفم.

بوکون بزم حالمز، ملاحظه ایدمك اولورسه ق، دیکر ملتلرک
احواله نسبتله بک محتاج، بک بیانی، بک آشاغی حالده در. بونك
اسبابی نه در؟ نه ایچون بویه حالده بولوندق و بولونیورز؛ بونك اسبابی
بزم شو شریعت غرای مطهره ایله عملده کی قصور یزدن ایلری کیشدر. بوکون
علمامن لایقیه امر معروف ایتمکدن، طوغریو سولیکدن عاجز بر حالده.
ارتق بوزده طبیعت کی اولمش. بونك بویه طبیعت اولمشك سببی ده،
خلقه مزده اولان قصور و نقصان در. اعیانمز، آغالرمز، بیوکلرمنز
جمله سی فساد اخلاق ایله، کبر و عظمت ایله مبتلا اولمشلر. بر واعظ
کرسی یه حقیقه رق برشی سولیه جک اولورسه اولا آغالرک خاطرینی
دوشونمکک مجبور. زیرا طوغریسنی سولیه جک اولورسه یا اغیه،
یا قائم مقامه، یا والیه طوقونه جق. اکر بر آدمده قصور اولورسه
او قصوری واعظك اغزندن آلمی. اوندن صاقتملی. واعظی تهدید
امر شرعی دکلدر. حالبوکه بز واعظلره سوز سولیه جک بویه بوکون دکل،
دها الی سینه، یوزسنه مقدم باشلامشز. عدالتدن، ظامندن بحث
ایدرسه آمرک خاطری قالمش. سخاوتی اکلادیرسه زنکیلر آلمش.
حاصلی هبانه سولیه بر طرفک خاطری قالمش. بو صورتله علمانك
آغزینی باغلامه موفق اولمشلر. بونك اوزرینه علمایه بو صوکل
سنلرده نوافلندن بحث ایتمکدن باشقه برشی قالمامش. کیت کیده بو حال
علمایه طبیعت اولمش. بر عالم کرسی یه حقیقه نوافلندن بحث مجبور
اولمش؛ حقیقتی سولیه میور، سولیه میور، قورقیور.

ایشته بوسبیلله ذلت اوزرمنزه چوکش، بوکون نه یایه جفمزی
شایر مشز. علمابونلرک کیفلرینه کوره حرکت ایدمکک نهایت کندیلرلنده
طبیعت اولمش، حقیقت ده مستور قالمش.

بو حال بزم اهل اسلامی بر چوق مذللره سوروکلش. بوکون
یووارلامقده اولدینمز فلاکت اوچورومی مظلدر. استقبال قراکق
برکیجه کی در. بونك ایچون احوال سابقه منی اونوته رق احوال
آتییه منی دوشونمکک مجبورز. اکر احوال سابقه منی تعداد ایدمك
اولورسه ق یا کک اسلاملره قصور اسناد ایتمککک ایشمز طوغریویه جق.

اسلاملاردن بر چوق آدملر ايسلكرده بولونديني كبي، كوتولكلاردهده بولنشدر. تعداد ايتك فائده ويرمور. الحمدلله اكر بصيرت كوزيله باقه جق اولورسهق اسلامك پك چوق آناريني كورورز.

بونلر اجانب پاره سيله دكل، هپ اهل اسلام پاره سيله ياييلمش. بر دكل، بي نهايه. اجداد مذك همت وغيرت لرينه اسان حاليله شهادت ايدر. شو حالده استقبال ايچون بزمستول اوله جغز. دوشونورسهك، كله جبكه نه اوله بغمزي ملاحظه ايدم جك اولورسهق بوقراكلق كيجهده محو اولوب كينمكدن هيچ برقورتولوش يوقدر، انجق علم ومعرفته صنعتله قورتولورسهق قوتوله جغز. بزي قورتاردجق، صباح سعاده ايصال ايدم جك نور معرفت دن باشقه هيچ برشي يوقدر. اونك ايچون بز بوندن صوكرا بوكا غيرت ايتلي يز.

علم ومعرفت ديديكمز شي يالكز لاف ايله، شوايله بوايله اولماز. چالشمقيله، غيرت ايتمكه، همت ايتمكه اولور. بوچالشمقيله بزم چوق آدملر مز يالكز حكومتدن بكه يورلر. حالبوكه حكومت مملكتده هيچ برشي يايه ماز، اكر ملت چالشماسه. مثلا حكومت مكتب يايه جق. بريپار، يوز ياپار، هايدى بيك ياپار. فقط اونك بر درجه سي واركه زياده سني يايق طاقى خارجنسدهدر. اون التى مليون، يكرمي مليون مسلمان حكومتك يايه جني مكنتلر يتشمز. شو حالده نه يايمل؟ ملت كنديسي چالشمق مكنتلر يايمل.

اوروپا مملكتلر نده ايسه شرقده اولديني كبي هيچ بروقت اهالي حكومتك يايه جني شينه باقاز. حكومتك برمكتبي اولورسه، اهالينك يكرمي مكنتي اولور.

اهالي هر شئي حكومتدن منتظر اولورسه، بو حال بزي چوق بيوك فلاكته يوو ارلايه جق. ديانت مزي محافظه ايچون مكتب دن، مدرسه دن باشقه هيچ برشي، هيچ بر چاره يوقدر. بو ده اهالينك غيرتيله ميدانه كله بيلير. علمانك موقع وشرفني محافظه بوكون اهالي يه واجب در. علما نه ايله چالشمق، مداري اولمازسه؟ طليه نه ايله تحصيل ايدر، مادي مرجعي اولمازسه؟ بونلري ملاحظه بتون مسلمانلر ك ذمته واجب در. خصوصاً سترلر ديار اسلامده، مقام خلافت كبراده بولورسكز؛ حریت، مشروطيت بتون مملكتلر يكرمي شرفلنديرمش؛ بويله ايكن ملت طرفندن، مسلمانلر طرفندن ياييلمش مكنتلر پك آزكورونيور. بز روسيه ده يكرمي مليون مسلمان اسارتده قالمشز، روسيه بزه برمكتب يايغه مساعده ايتز. برمكتب آچغه قالمشقه، حكومت معاونت ايدم جكي يرد، ممانعت ايدر. آچه جق اولورسهق قياتير. بويله ايكن يالكز ملت پاره سيله ياييلمش اون بيك مكنتلر وار، بلكه ده افضله.

بز نه قدر چالشمق اولورسهق بزم استقبالز بورانك استقباله مربوطدر. دكل يالكز بزم ديارده كي مسلمانلر، دنيا ده نه قدر مسلمان وارسه كافه سي سزه تابع در. استقباله حياتي مقام خلافتدن بكه يور. اكر مقام خلافت، الله اوكونلري كوسترمسون، كيدرسه بتون مسلمانلر ك محو و پريشان اوله جغه هيچ شبهه كز اولماسون. بونك

ايچون كال صميميله، كوزمزدن ياشلر دو كهرك اللهم دن تمني ايتديكمز برشي وارسه او ده بومقام خلافتك الى يوم القيام محفوظ اولسي در. شو حالده اطراف مزي صارمش دشمنلر، ديانت دشمنلري بزي هر لحظه ده، هر ساعتده، هر خطودهده يوطوب محو ايتمكه چالشمق كن بزم غفلته طاله رق، كوزلرمزي قاييه رق صاغر كبي، كور كبي طورمه مز نه عقله ياقيدشير، نه شرعه. بونك ايچون، قرداشلر، بزه لازم اولان شي اردمзде اخوتي تا كيد ايدرك « قاردهشم... باباجم » ديه. بربرمزه صاير يارق اويانق، حر كته كلمك. كيجه يي كوندوزده قاتارق چالشمق در.

البت بويله چالشمق ايچون رهبر اوله جق ده علمادر. حالبوكه علمافقر و ضرورت ايچنده يوو ارلايوب كيديور. بونلري دوشونه جك آدملر يوق. برمكت اكر علماسنه اعتبار ايتزه او علما نه اولور؟ علما منقراض اولورسه او ملتك حالي نه اولور؟ بوكون دولت عليه اداره سنده كي غير مسلمانلر كافه سي چالشمق لر، رجال روحانيه لر يي اوقدر تكريم ايدرلر كه معيشتلري ايچون هيچ اونلري دوشونديرمزلر. اونلر ك يايديني بز نه ايچون يايمايورز؟ همت ايدرسهك هر شي ياپارزه. هر كيم شويله ايجه بر دوشونور، كندى وجدانه مراجعته ملاحظه ايدم جك اولورسه هيچ شبهه سز قبول ايدرك: هر مسلمان چالشمق، علمامزي محافظه ايتك، مدرسه لر مزي، جامعلر مزي تعمير ايتك، بيوكلر مزي اطاعت، كوچكلر مزي مرحمت ايدرك كال غيرت واجتهادله استقبال ايچون حاضر لائق لازم در.

حضرت على كرم الله وجهه بيورمشلر كه: (علموا اولادكم لزمان غير زمانكم) سز چوققلر كزي تعليم ايديكز، كندى زمانكزدن باشنه بر زمان ايچون...

البت زمانلر تغير ايتمكه، ديكشمكه. بوكون كورييورز، يكرمي سنه مقدم ايشه يارايان آدملر بوكون ايشه يارامايور؛ يا خود يكرمي سنه مقدم اوقونان دنوي علملر بوكون بر منفعت تأمين ايدميور؛ يكرمي سنه مقدم راحت ياشاركن بوكون ياشايمايورز. كرك احوال اجتماعيه، كرك احوال سياسييه تبدل ايتمش. زمان بر قرارده طورماز، كائناتك هيچ بر ذره سي تغيردن آزاده دكل. بتون عالم دائمي بر انقلاب ايچنده. هيچ بر شيدم توقف يوق. بوكون يارينه بكنزه مز، كله جك آي بو آي كي اولماز. بر سنه صوكرا جهان باشقه لاشير. بكن سنلري دوشونك: استبداد مملكتلري قاووريو-زدى. كيمسه آغز يني آچوب برسوز سويله يه ميوردى، كون كچكجه مزار انقراضمز درينله شيوردى. بوكون ايسه الحمدلله ايتديكمز كي طويلانيير، ملتك ترقيسني دوشونه بيليرز. فقط بزي بويله راحت راحت دوشونمكه دشمنلر براقايه جق. صو او يور دشمن او يوماز. اونلر دائما بزم محو اولمه مزه چالشمق لر. اونك ايچون بز بوندن صوكرا آرمزده كي بتون تفرقه لري، اختلاف لري اونودره ق، ال اله ويردرك بوندن صوكرا كي فلاكتلر حاضر لائق يز.

اكر بز بويله خارق العاده برهمنله چالشمق جق اولورسهق - كه

چالیشمه من فرزند - کندی منی و بتون جهان مسلمانلری بولونقلری حال مذلت و اسارتدن قورتاره جغز. بوگون میا و نلرجه اسلام قارداشلر کز کوزلری آچش سزه باقیور، اللری قالدیرمش سزک موفقیتکزی ایچون، سزک دیرینه کز ایچون دعالر ایدیور، سزدن مدد، سزدن حیات بکله یور. اونک ایچون، قارداشلر، طوره حق زمان دکلد، کیجه بی کوندوزه قاتهرق چالیشمه کز، دوشونمه کز لازم. اکر بوندن سوکراده چالیشماز سهق، «نمه لازم؟...» دیرسهک منقرض اولدیغه، بتدی کمز کونلر یاقلاشمشدر. بوگون بتون دشمنلر اسلامک انقراضنه کال خواهشله منتظر در. فقط بز اکر ایسترسهک اسلامی بوانقراضدن قورتاره بیلیر. اکر آرامزده کی تفرقه لری ترک ایدرده برلشیرسهک، اتحاد ایدرسهک، هرکس بتون مسلمانلری اوز قرداش، بوراده یاشایان غیر مسلملری ده صمیمی بر وطنداش بیلورک هرکسک اییلکینی دوشونورسهک، کیمسه بی اینجتمه مهیه غیرت ایدرسهک، بوعطالتی، بوتبالکی ترک ایدرک چالیشمه باشلارسهق، هپ چو جقلر منی مکملره ویردرک بوجهالتدن یاقه منی صیرمایه اوغراشیرسهق، شرکتلر تشکیل ایدرک، فابریقه لر آچهرق، تجارتخانه لر تأسیس ایدرک، ترالرمزده آلات جدیدینی تطبیق ایدرک، خانه لرمزنی تنظیمه، سواققلر منی تمیزله مک، جامعلر منی، مدرسلر منی اعمار، زنکین اولغه، شان وشوکت منی یوکسلتمه یه چالیشیرسهق.. اخلاق منی تهذیب، قلدلر منی اصلاحه غیرت ایدرسهک... اسلامیت ینه اسکی شعله لی، اسکی شوکتلی زمانی بولور. و اووقت پیغمبر جایلر منی سوزینی یرینه کتیرمش ازلور.

امام عسقلانی (الدين النصيحة) تفسیرنده دیورک: (ای بقا الدین وقوامه فی النصيحة) «دین مبین اسلامک بقاسی وقوامی نصیحتله، امر بالمعروف و نهی عن المنکرله تأمین اولور.» بز کال خلوصله یکدیگری فالقردن، فحشیتدن، محرماتدن منع ایدرسهک، بیوکار من کوچکار من:

— اولادم! بو، بزه مناسب دکل. مسلمانلره بو حال یاقیشماز. بوشرعا حرام...

دیرسه هیچ بر فرد بولماز که شریعت غرا سوزی سولینجه قبول ایتمسون. فقط بز سولنهک یولنی بیلمدیکمزدن وظیفه منی ایفایه موفق اوله مایورز. امر معروفک طریق وار، اونو بیله جکسک. الله، فرعون امر معروف خصوصنده، حضرت موسای علیه السلامه دیدی که: — (اذها الى فرعون انه طغى فقول له قولا ليا لعنه يتذكر او يخشى) قول لین ایله، ملایم سوز ایله امر معروف ایله! بلکه قلبنه بر خوف الهی کلیده قبول ایدر.

جناب واجب الوجود فرعونک کیم اولدیغنی بیلیردی. معافیه امته تعلیم ایچون بو اساسی کوستردی.

بزا کر دائما بوشریعت جلیله تمسک ایدرسهک حقیقه بیللمی بزه بو دین مبین اسلام (یملو ولا یعلی علیه) در. انشاء الله ترقی ایدر. هیچ بر وقت آشانی کیمز. بو کونکی حال مسکنتمز، کفران

نعمتک جزاسی در. بزه بیوک بر امت ایدک. جهانک بتون قطعانه یایلاشمشدر. حدود منی شمالدن جنوبه، شرقدن غربه قدر توسع ایتمشدی. شان وشوکتمز جهانلری طوتمشدی. ایمراطورلر بزه بیون اکردی. عربستان چوللرنده آجیلان لوای احمدی بحر محیطله قدر نشر فیوضات ایلدی؛ دکزلری کجی، اسپانیایی فتح ایلدی، اورویایه یورو مکه باشلادی. بریدن ترکستان صحرالری قطع ایلدی، هندستان طاغلری کچهرک، چین مملکتلرنده تموجنا اولدی. قره دکزلری، بیاض دکزلری قوشاتدی. هالایا انکترندن یوکسلهن (الله اکبر) صداسی اطلس طاعلینه عکس ایدر، دریالرده طالغهلانان سنجاغمز قمرلرده قوس قزح لر تشکیل ایدردی. الله بزه بویله نعمتلر ویرمشدی. بر یوزنده اک شانلی بر امت بز ایدک. فقط بز بونک قدرینی بیلمدک، بیلهمدک. حق شکرینی ایفا ایدهمدک. قلدلر منی غرور کلدی، عداوتلر منی باشلادق. نفسلر منی طمع کلدی، ذوق وصفایه طلاق. یورکلر منی حرص و منفعت کلدی، تفرقه یه دوشدک. آرامزده کی رابطلر قویدی، بر بر منی دشمن اولدق. اعدایه متوجه سلاحلر منی قلدلر منی چویردک. کندی المزله منار منی قازمه یه باشلادق. کیت کیده او عظیم قوت کوچولدی، شیرازه بی قویدی. اطرافه طاغلدی. هر بری بر اجنبی بیوندیریفنه کیردی. مرور زمانله شوکتی اونوده رق مذلت، مسکنته دوشدی. اسیر اولدی. ازیلکجه ازیلدی. نهایت بر درجه یه کلدی که:

— یا اولوم، یا انقباه...

دیدی، کوزلری آچدی. خواب غفلتدن باشنی قالدیردی. فقط کوردی که جهان دیکشمش، ایلروله مش، او قدر ترقی ایتمش که یتشمک چوق غیرته محتاج.

ایشته الله بز امتحان ایچون او یله بر بلا ایله مبتلا ایلدی. اکر بزاو حال منی تفتیش ایدرک، مساویزدن توبه ایدرک یکدیگر منی کال محبتله اخوت منی تجدید ایتمه، قارداشلاغمزنی تأیید ایلکه چالیشیرساق بتون جهانده یکانه بر دوات معظمه اوله جغمزده هیچ شبهه یوقدر.

حضرت پیغمبر افندمنک او حدیث جلیلی هیچ خاطر کزدن حیقماسون. کله اسلام بتون جهان انتشار ایدم جکدر. بز او کونلره منتظرز. بونک زمانی کچمه مشدر. بوکا عالم اسلامده بیوک بر استعداد وارد.

دیگر بر حدیثده (لایهک هذه الامة اولها انا و اوسطها مهدی و آخرها عیسی) بیورویور. هیچ بر وقت او امت هلاک اولماز که اولی بن، اورته سی مهدی، آخری عیسادر...

او امت، که ایشته بز. حضرت پیغمبر افندمن اولی در. اورته سی ده کلدی. اونو بکله مک بز بورجلی دکاز. نه وقت کلیرسه خوش کلدی، صفا کلدی. اوکا انتظار ایله آرقه اوستی یاتمق اوله ماز. چالیشمه بی ترک ایتک قطعاً جائز دکلد.

شریعت جلیله منی آخر زمان ایله بز تهید ایتمه مش: «هر

اوراق وارده :

خادم اسراریت صراط مستقیم جریده معتبره

سلام الله علیکم :

اسلامیتك قلبه بخش ایندیكى بر حسن قدسینك سابقه تأثیریه سزه بو عریضه یی یازیورم . بو عریضه ایله سزه ؛ اتحاد اسلام مقصد علوینى تعقیب ایدنلری یأس و حزنه دوچار ایلان ترك - عرب مسائلدن بحث ایده جكم . بالطبع بنم معروضاتم سزه قارشو خصوصیدر . لکن سزه ؛ اسلاملری اتحاد و هدایت دعوت ایتك کی بر وظیفه یی درعهده ایتش بولوندیغكزدن البته معروضاتی تحلیل ایله نشر ایدیله ییلن اقسامنی نشر ، صوابدن بید اولوب ده طی ایدیله جك اقسامنی طی ایدرسكز و محتاج تدقیق و تحقیق کوره جكکز نقطه لری تدقیق جهته کیدرسكز . بنده سزی مشاهدات و معلوماتدن هر وقت خبردار ایتك و اداره خانه کزه قدر کلوب ایضاحات لازمه یی ویرمه حاضریم . چونکه بویله مسائلك اورته ده دولتی بنی یأس وفتوره ، استقبالدن قطع امیده سوروکلور . میدان بر عرب - ترك مجادله سنك چیقسی ؛ وطن مقدسك محوئی مؤدی اوله جغنی دوشونه رك قلم قان آغلاور . سزدن برجام واردک آتیده کی مطالعاته ؛ شخص و وجدانی طانیدیغكز حالده بنی فنا مقصدلر طاشیانلردن ظن ایتکز . بن سزه حقیقی عرض ایتك استیورم :

بز ؛ اولاد عرب ؛ ترك مکتبلرنده ، ترك قرداشلرمنله بر آریه کلدیکمز زمان ، اسلام اولقله برابر عرب اولدوغمز ده اوکرندک و اوکرنگمده یز . و بوضو رتله سمای فکرمنده ایلک یز بولان قره بلوط ، قلبك آقلغه قاریشان ایلک سیاه نقطه بو آنه تصادف ایدور . دور سابقك هر حال کی بومشله لرده کیزلی کیزلی جای بحث بولویور و استبدادك تضییق ایله بر شکل علنی آله میوردی . لکن غیر حریتك انقلاقی ؛ بو وطن مقدسده یشایان بالجمله عناصره ، آرتق بوندنبویله حقوق و وظائف متساویه مالک اوله جقلرینی تبشیر ایدور و استبداد کونلرنده بر بریله دردلمک بیله امکان بوله میهرق هر بری بشقه بر املک ، بشقه بر فکرک آرقه سندن قوشان افراد ملته ، تک بر هدفه ربط آمال و عطف انظار ایلک لزومنی بیلدیریوردی . بو حالده افراد ملته ؛ بر بریله اکلشمق ، حقوق و وظائفنی پایلاشمق مقتضیدر . بناء علیه غزته ستونلرنده کوریلن هر هانکی بر مطالبه ؛ نه بر فکر و تجارعتك ، نه ده بر امل منفعتك ترجائی دکلدرد . بو کی مطالعاتك منبعنی تعین ایده بیلیمک ایچون هر شیئی ، عدل و حقیقت ، انصاف و اخوت دائره سننده تحلیل و تدقیق ایتك کرکدر . بن اویله اعتقاد ایدورمکه شمعی به قدر بو کی جریان افکاره سیرجی قالان صراط مستقیم ؛ هدف مقدسی ، امل مبعلی اعتباریله مسئله به مداخله ایله بیرونده منتشر « المفید » جریده محترمه سنك بعض ابیاتی نشر و طرز تحریرینی تنقید ایدور . صراط مستقیمک بو حاللردن اظهار ایتدیکی تأثیرینه بزده قانلی کوز یاشلری دوکرک اشتراك ایدرز . فقط مسئله نك اساسندن بحث ایتیه رك ، قباحتی ؛ ترقی و تما - لیزی آرزو ایمان غرضکارلرده ، محیطلرمنك دیندار اولماسننده بولویور . لکن او امین اولسونکه ؛ نه شکری افندی غام ایله المفید غزته سی غرضکار ، نه ده محیطلرمنده دیانندن بشقه برشمس هدایت لمه دارد . حقوقلرینی مدافعه یولنده رجا و نیازدن باشلاهرق تدریجاً تشدید لسان ایلان بعض شبان عرب بدبختله محکوم کورولیور .

لکن بو خصوصده بالجمله اطفال ، شبان ، اختیاران عرب یکوچود و متحد اولدقلرندن بو بدبختله شریک بولویور و کندیلرینی بدبخت دکل بالعکس بختیار عد ایدورلر . چونکه هر کس مدافعه حقوقنه « ترکره قارشو دکل بالعکس شخص معنوی حکومت » با امر پیغمبری مکلف اولدوغی آزاده اشتباه اولقله برابر کچلرده سابق شیخ الاسلام افندی حضرتلری طرفدن بو خصوص آیات فرقانیه و احادیث نبویه استناداً تأیید و تأکید ایدلدی . چوروک بر عمل اوزرینه انشا ایدیلن بر بنا ارکچ محکوم انهدامدر . هرشیدن اول تملی قورمق و مسائل ابتدائیه نك حلی جهتندن کتمک لزومی هیچ اعتراض کوتورمنظن ایدرم .

المفیددن ؛ حقوق عربك هضم ایدلك استلیدیکی کمال تعجبله نقل ایدیلور . بن بوکا خیر دیرم . زیرا بر طرفدن حسابنه قایلیمش و هرشیئی سطحی بر

شیء براقك ، نه چالیشك ، نه اوغراشك ؛ هیچ برشیاه مشغول اولمایك !... » دیمه مش . اکر دیدیكفی ادعا ایدن وارسه میدانه چیقسون . بلکه اصحاب کرام افندیلرمنز ، عشره مبشره ، چهار یار کزین حضراتی امتی هپ سعیه چالیشمه یه تشویق ایدردی . الله ده (وان لیس للانسان الا ما سعی) چالشمه دن هیچ برشی اوله ماز ، بیورمشدر . حضرت علی دائماً تکرار ایدردی :

کن لدنیاک کانک تعیش ابدآ

وکن لاخرتک کانک تموت غداً

دنیا ایچون الی الابد باقی اوله جقسکز کی ، آخرت ایچونده

یارین اوله جك کی چالیشکز .

بز هر ایشله مأمورز : دنیا ایچونده چالشمق ، آخرت ایچونده چالشمق بورجدر . هم پشین دنیا ، سوکرا آخرت . او حالده ایچون دنیا منی ترك ایدم ؟ بیلیمورمی یزکه دیانتك نصفی مال ایله ایفا اولونه بیله جکدر . دین اسلامك درت رکنی وار : نماز ، اوروج . زکات ، حج . بونلرک صوگ ایکسینی مالی اولان یاپار . او حالده مال ایچون کیم چالیشسون ؟ هیچ یاره من اولماسون ، نه زکات ویردم . نه حجه کیدم ... دین بویله می دیور ؟ دینسدن بویله بر معنی کیم چیقارمش ؟ الک برنجی وظیفه من اولان دیانتی اکال ایچون دنیا یه چالشمق لازمدر . اصحاب کرام الک بیوک مسئله لرایچنده بیله چالشمقندن کری طورمازلردی . صلی الله علیه و سلمك وفاتی - که الک مهم بر مسئله در - او صروده ابو بکر ترلاده بولویوردی . حالوکه حضرت پیغمبرک او کون خسته اولدیغنی ، حالت احتضارده بولندیغنی بیلویوردی . اویله ایکن چالشمقندن کری طورمازلردی . بویله مهم مسئله لر اعمال دنیویه دن منع ایتدیکی حالده بشقه ایشلرک مانع اولمایه جنی کون کی آشکاردر . هیچ برشی انسانی دنیا ایشندن منع ایتمز . دنیا ایچون چالشمق امر شرعی در . اهلنی ، اولادینی ، عیالی کچنیدرمک ایچون قازمه یی اوردقچه ثواب یازیلر . (انما الاعمال بالنیات) اکر قازمه یی اوردیغمز زمان قلبمزدن :

— یارب ابو قازمه یی اورورم ، چالیشیرم ، بوندن اوله جق محصولات ایله اولاد و عیالی کچنیدره جکم ، ملتک ترقیسنه ، محافظه سنه غیرت ایده جکم ... کی حسلر طوغارسه بوندن بیوک عبادت اولماز . مسلمانلرده کسب فرضدر .

حضرت فاروق اعظم ، عمرو بن عاصی بحرینه کوندردیکی زمان دیمش که : (لا تقبل الثواب قبل الفرائض) فرائضی براقوبده نوافل ایله اشتغال ایتمه . فرائضدن مقدم نوافل قبول اولونماز .

بز بویله ذوات کرامك قولیه عمل ایتزده کیمک سوزیله عمل ایده جکمز ؟ بعدما بصیرت کوزلرمنز آچلسون . ملت جهالتدن قورتارلسون . بو فلا کتدن تخایض اولنسون . و قورتولمق ایچون چالشمه یی ده جناب حق جمله منزه نصیب ایلسون . شونیت خیر اوزره جمله دن بر فاتحه .

صوگ